

ձայն արձակել, դա նվանապէս շատ վատ և չարագուշակ նշան է և հաւատում են, որ մի անբախտ լուր պիտի լսեն մօտ օրերում: Անձրեկից յետոյ երկնքի վրայ երբոր կարմիր ու կանաչ ձիածան է երևում, ժողովուրդը հաւատում է, որ ամեն բերքերի մէջ մեծ առատութիւն պիտի լինի: Ժողովրդի կարծիքով, կանաչ գոյնը՝ ցորենն ու հացահատիկներն են, իսկ կարմիրը՝ մեաքսն ու գինին: Կան այլ և այլ շատ հաւատալիքներ և նախապաշարմունքներ, որոնց մասին մի առ մի պիտի խօսեմ Ռուսիացոց մասին զրկելք ընդարձակ մի այլ աշխատութեանս մէջ:

Լ

**ԿՈՍՊՈՒՍՏՈՒԹԵԱՆ ՀԵՏՔԵՐԸ ՈՒՏԻՍՑՈՑ ԱՇ-
ԽԱՐՀԻ ՀԱՅԵՐԻ ԵՒ ԹՈՒՐՔԵՐԻ ՄԷՋ**

Մինչև ցարդ Հայերն ու տեղական մահմեդականները երզում են Արևի անունով. իսկ առաջիկաները նրա առաւօտեան ծագման ժամանակ սկսում են մինչև անգամ երկիւղածութեամբ խաչակնքել իրենց երեսներին: Նմանապէս երզում են սովորական կրակի անունով և նրա մէջ կեղտոտ բան ձգելը կամ թքելը շատ ծանր մեղք ու անհերելի յանցանք են համարում՝ թէ հայերը և թէ թուրքերը: Ընդհանրապէս սրբավայրերում և մասնաւորապէս գերեզմանոցներում բոլորսմ հինաւորց ու հաստարմատ ծառերին վերաբերում